

## Акт 2

## Антипролог

(Час вся разоряет)

## А з и я

Паки, паки во скорбех, бедна, пребываю,  
 слезами дни и нощи лице умываю.  
 Паки, вместо креста, мне луну принуждает  
 держать; вместо же веры в ушеса влагает  
 Неверствие; довлеет самую ругати  
 мене; почто ж святую веру спровергати?  
 Как не жаль, егда в блате злата диадима  
 лежит, или порфира зело прелюбима?  
 Венец преукрашени добротами — вера,  
 а благочестие есть дражайша порфира.  
 Как же в сердце прегор[ь]кой не будет печали.  
 яко сараини вся сил<sup>1</sup>  
 Убося иногда трепет приять з брани,  
 егда князь Гофред ему пулями гортани  
 л. 37 Наполнил; и воинству его сотер выя  
 и когда бы, глаголю, мне муж таковыя  
 Был силы и крепости, иже свободженну  
 сотворил бы мене той и от враг спасенну.  
 Христос крепость и сила помоществовати  
 готов есть тщащемуся веру сохранятьи.

## На де ж да

Господь тебе на радость изведет воскоре,  
 паки на первом чести посадит престоле  
 Мужем славы бессмертной силы таковыя,  
 яко гордого сотрет супостата выя.  
 Вспомяни Израиля, лютейшим гонима  
 фараоном, вскоре же вождем свободима  
 Моисеем, и тя будет от враг свободивый,  
 будет по тебе скорбной и вере ревливой.  
 Точию не болезнуй, прожени печали,  
 дабы тебе более тыя не утесняли.

## А з и я

Сие наипаче мне сердце растерзает,  
 Яко, иде же бе свет, тамо тма сияет.  
 Во мне свет правды вечной первие бываше,  
 Иже тма неверствия словом прогоняше.  
 А ныне ношь велика луны умножися,  
 солнце светло христовой веры помрачися.  
 Земля моя святая светом просвещенна  
 благодати, и паче всех была<sup>2</sup>  
 л. 37 об. Ныне ю неверствие врага помрачило,  
 свет во тму темной нощи превратило.

<sup>1</sup> Стих не закончен; против него на полях поставлен крестик.<sup>2</sup> Стих не закончен; против него на полях поставлен крестик